

醫學
實驗
集

保嬰須知
上

中武
204
1



門武
204
卷1

醫學質驗智集

片倉鶴陵先生著

不許翻刻
千里必究

保嬰須知

多紀菴庭先生閱

九臯堂藏



保嬰須知序

醫之療疾病猶大臣秉國政非博學洽聞通古今
明得失者則不能也何則治療管歿生秉政係治
亂其所管係豈不大哉故通醫經而知方法涉治
驗而明活用而後施之治療猶大臣之讀經史明
治亂以措諸政事如此而後始可與言醫已矣輓
近偷薄之風行醫之不學無術逞臆妄餽口者飾
拙以佞恬然欺人曰善於文學者疏於治療不如
不學之為愈也懶惰之子弟喜而舐其餘唾偃耳

醫學質驗

保嬰須知序

靜儉堂



松井家藏

掉尾。嗅羶隨之。俗間濟急之書之不讀。況傷寒與金匱乎。惡習薰骨。銜偽療以爲常。俾世之癡漢。駮婦。斃於一匙。而登棟者。歲而千百。嗚呼。佞醫之誣已誤久。毒於後生。如斯可惡哉。相州鶴陵片倉翁者。近世之名醫也。性慷慨磊砢。專志濟衆。博窮醫經。該通諸子百家。嘗著傷寒啓微。癩新書。產科發蒙等。皆醫門之寶冊。亦足以砭彼不學無術。毒於後生者。療其弊風矣。瑜壯歲下。惟於水無河坊。以其居與翁咫尺。旦暮相親昵。不論其相知之晚。

肝膽相投。可否相謀。是以其所著作。與校讐者間。亦有之。嗚呼。翁歸窆二十又餘年矣。宛如聲容。墻羹是視。雨夜月夕。未嘗不感念追思也。遺愛弟子野村周德。篤學愿謹。勉而不舍。間欲刊翁之遺書。未刊行者。以公之於世。先取保嬰須知二卷校之。來而乞序。余繙閱之。芟繁補漏。點之乙之。魯魚帝帛。鉛槧不遺餘力。余掩卷歎曰。嗚呼。周德可謂善繼師之志成師之事。以慰靈於幽冥矣。人鬼雖隔。至誠一塗。其所感景。從響應。翁之喜不卜而可知。

矣。余亦不能為之無感。美其志。稱其功。欣然為之序。

嘉永改元戊申春三月

荆山日尾瑜撰



保嬰須知序

昔嘗讀錦城大田先生表片倉鶴陵之墓。稱其有堅忍不拔之氣。余謂此一語足以盡鶴陵生平矣。蓋鶴陵之年壯也。窮亦甚矣。環堵蕭然。僅敝縕掩體。而猶力學不倦。早夜矻矻。其志在療沈痼艱險。疑難束手之病。造次顛沛。必莫不於是。是以遂至有所樹立。能負良醫之目矣。當其治病也。雖極危極劇。人望而卻走者。猶不敢辭避。精診熟察。沈思冥想。必窮其所以然之故。索其所以適之方。意見所到。則毅然敢為。而奏回天之功。于人意之表。此皆非有堅忍

不拔之氣。何能至是乎。且學極有淵源。既能究長沙之旨。又推以至古今經方。俚俗奇藥。無不攷研搜討。以爲平日試驗之地。宜乎其所論著。皆足以啓迪後學。稱醫林寶筏。如產科發蒙。徽癩新書。尤爲世所重。而其未刊印者。仍有保嬰須知一書。其精論良方。悉出于數十年實踐所得。無一語虛設。剴切詳明。真幼幼書中金科玉律也。其擺脫套習而奇正攻守。應變自在者。卽是鶴陵本領。則視諸世之兒科。動持偏見。謂嬌嫩之體。必要扶養。而專用果子藥。謂純陽之質。固多胎毒。而專用寒涼尅伐者。其軒輊果何如。

是書之精且覈。可以概見矣。野村周德蚤受業于鶴陵。能奉師說。其伎頗行于世。常慨是書草藁。僅屬未經善定。人鮮能知之者。出以請余校閱。余再四熟誦。略加整頓。乃俾付之剞劂。與發蒙諸編同傳于後。噫。使世之業醫者。人人能如鶴陵之堅忍不拔。則何患沈痼艱險之難療乎。書以諗讀鶴陵之書者。庶有憤悱于斯焉。

弘化五年戊申春王正月江戶侍醫丹波元堅蒞庭撰

鶴陵片倉君墓表

凡世人之所願。富與壽而已矣。此二者。有命分厚薄。存焉。非願
之所得也。若夫有命分之可得。財雖累巨萬。無能而富。與積瓦
礫無異。年雖至耆耄。無能而壽。與雁橫天。無異。要皆無用於天
地之間。而歸草亾木卒焉耳。又何足貴乎。能富能壽。而其才能
以爲天下之用。如吾友片倉君。世間其有幾人。是亦出於命分
之厚乎。君姓片倉氏。諱元周。字深甫。號鶴陵。相模築井縣人也。
考諱周意。號苔翁。妣杉山氏。家世以醫爲業。君年十二。來于江
都。學醫於玉池藍溪二先生。與其子廉夫同學。文於金峨井文

平年二十五。卜居于白銀街。請治者頗多。家事頗饒。天明初年。罹災。家產蕩盡。發憤西遊京師。學產科於賀川子玄。窺其閫奧。東歸之後。精窮其術。以誘掖後生。生徒請業者與輿疾。請治者履盈于戶外。產婦之難分娩。賴君而活者比屋有之。其譽登聞。當後庭有妊婦。召君按腹。及期達生。乃賜白銀若干。以賞之。君後擴其師傳。參諸新得。著產科發蒙六卷。君曾邂逅異人。受治癘之術。試有奇驗。乃著癘新書二卷。又於傷寒之治。頗有悟得。其解仲景之書。與近世諸家大有逕庭。乃著傷寒啓微三卷。君之施治。不拘今古。不偏補瀉。無膠柱守株之陋。以瘳爲準。最

巧於治雜病矣。回生起死之功。赫赫乎存於世人之耳目矣。始著青囊瑣探二卷。晚又錄其治驗。著靜儉堂治驗五卷。君屢罹災。屢移其居。然家益豐饒。是故其諸書皆能刊布天下。遐邇醫生或以爲帳秘。試諸患者。以得異效。是豈非才能爲天下之用乎。君爲人儉節而精勤。外雖寬柔。內則有堅忍不拔之氣。初在劉氏之家。苦學廢寢。無資買書。其所講習。手自謄寫。井文平講。經於吉祥寺前。廉夫草鞋履雪而行。從者唯深甫耳。其始儻居三年。不食魚肉。同學少年。往往酒淫無度。或懷妓書來詫其遊蕩之情。以動之。君倚按讀書耳。如不聞。至其強聒不已。則厲聲

呵之其精勤如此君年近六十發背未潰聞相模門人疾病舉而行家人危之諫不可治之而歸會津少將之疾衆醫束手君治之浹旬而瘳最後少將又在國而疾請來治時屬隆冬祈寒積雪君疾已篤然猶能應命門生故舊莫不危之固諫不可怡然而行其堅忍如此其在會津也寵遇優渥皆出異數聞見者莫不駭異而艷羨之也其歸也過余而言吾業醫五十年矣治貴遊之疾得其禮聘隆待極夥矣雖然莫若會津之盛也瀕歿病夫蒙此特恩非桑榆之發榮華乎嗚呼其徒手興家能富能壽而名轟天下得貴遊禮遇是豈偶然乎哉君晚節以書畫自

樂好做蘇帖然揮寫發興耳不必拘拘每美日佳景遊舫載伎逍遙于牛渚之涯自作小詞以歌之坦懷曠度頗有高人之致焉是亦可以愛也文政五年壬午九月十一日病卒享年七十二葬于三田大聖院君娶鈴木氏無子妾生三女一男養山崎氏之子爲嗣以長女妻之名玄脩字公岱能繼家學爲一橋公侍醫二女皆夭男名直字溫卿才氣穎發世稱爲神童余與君有舊知君最熟矣庚辰春夏余遊京師多與醫流交談及關左醫生於劉廉夫則皆斂衽起敬其次則以深甫爲勅敵余歸而告深甫曰是亦君之榮也辛巳秋君過余而言今吾得疾不可

治也。壬午春歸自會津。又過余而言。吾病果不可治。願得子之文以表墓石矣。余唯唯而應之。及其沒也。公岱溫卿奉其遺命來請不已。諛不可辭。乃表其行儀。并作之銘。銘曰。

勤能成業 儉能興家 堅忍不拔之氣

有誰能加 癘乎癘乎 能起沈痾

橫乎逆乎 無假產婆 嗚呼名之所存

毀之所歸 衆口囂囂 其亦何悲

文政五年壬午孟冬

加賀 大田元貞才佐撰

保嬰須知總目

卷上

斷臍論 浴兒及將護法

初生治要

甘連湯 保壽湯

生陽湯 五香散

治小兒初生鼻塞氣不通者方

初生不吮乳者主方

撮口論

家方既濟飲

紫丸方

新定臍上三處灸量法 并圖

增加天麻圓

青筋圖

又方

又方

又方

將軍丸

驚風 治驗三條

黑附湯

琥珀散

家方熊沈丸

秘傳延命散

芎活湯

龍膽湯

吉州醒脾散

固真湯

黃耆湯

六味雄黃丸

癩疾 虬蟲 治驗三條

甘草湯

通天丸

復生湯

六聖湯

千金方脊背五處灸法

鷓艾湯

返魂丹

祛蟲丸

延年鶴虱丸

大追蟲丸

治癩癩奇方

六靈丸

鐵連丸

十四味斷癩丸

抑肝散

安蛔丸

雄雌圓

大蘆薈丸

養正丹

卷下

疳疾

治小兒疳積方

治小兒五疳 云云

治小兒脾疳奇方

益兒餅

育生糕

經驗方

倉氏幼幼餅

治五疳妙方

保童圓

又保童圓

治小兒疳疾方

大保童丸

青黛丸

史君子丸

金明丸

香蔻圓

木香圓

龍膽湯

加減黃耆湯

大赤蛙湯

小赤蛙湯

喘咳 治驗二條

無價散

瀉白導痰湯

新定傷中膈 并圖

定喘如神散

厚朴茯苓湯

清咳飲

鎮嗽丸

諸咳丸

治大人小兒久嗽方

勝聖散

治小兒久嗽累月不瘥

治久嗽虛弱者

加味正氣散

治小兒咳嗽方

久嗽丸子

蜀椒湯

小兒雜證

犀角黃連湯

涼膈散

清金散

梅花散

紫丸

加味生地黃湯

釀乳方

內釣神方

四聖散

瀉青丸

導赤散

延胡索散

調中散

指迷七氣湯

助胃膏

芎窮散

五味子湯

乳頭散

一物前胡丸

小兒初生三日內吐乳者

蔚金散

補腎地黄丸

調元散

破胡紙丸

鷓胡菜丸

灸法

茯苓散

香砂圓

消風散

噉化萼澄茄丸

川芎膏

細辛散

犀角飲子

海螵蛸散

治耳內溼瘡方

小防風湯

四聖散

明目膏

保壽湯

胡粉膏

黃連散

又方

又方

治頭瘡出膿水不瘥

治小兒疳瘡頭面耳邊連引流水癢極久不愈

益胃散

調中散

參朴湯

藿香湯

消食丸

木香丸

調中散

益脾散

安胃和脾散

興廢湯

雙功丸

治龜背神效方

痿躄湯

百合丹

七寶散

龍腦飲子

地黃煎丸

痘瘡奇藥

附錄

總目終

保嬰須知卷上

智集

鶴陵片倉元周深甫著

男

元深公岱

多紀菴庭先生閱門人篠山野村周德克敬

斷臍論

夫婦人之受胎也猶天地之响嫗覆育萬物矣今姑舉五
 穀果蔬以論之夫五穀果蔬初下種而培之糞之然後莫
 非因天地氤氳煦煦之造化而成焉其種子在地中僅生
 根莖乃戴土拆甲茁芽漸擢莖引蔓然後開花結實也婦

人生育亦復爾，陽精施之而陰血護之，二氣妙合以成混沌，一塊者此猶五穀果蓏種子在於地中，於是乎以夫人身二氣轉機斡旋，運行變化，便煦之氣之而先成者，河車是也。此即若五穀果蓏之生根，若然故河車也者，即人之根，若也。根若生莖，莖頭生一物者，即是芽兒也。而其河車出膜包兒，俱與成長矣。蓋其始大如胡桃，至六十日，可括萋實，迨三月，形如梢瓜，逮五月，人形昉成，滿十月而五藏六府四肢九竅百節大具，於是乎分娩矣。而其在腹中也，母之血氣精液，輸于河車，灌溉於臍帶中之隧孔，以養之。

臍帶中有三孔，蓋一以輸氣，一以內血，一以返氣。血者歟，空與囊兒論參看。此猶五穀果蓏自

根若莖，稷養之，而其自分娩者，又猶果蓏之熟而自落矣。蓋母之血氣精液，自臍帶養之者，即榮衛氣化運行所爲也。即所謂先天之元氣是也。故逮兒已出腹中，非先天元氣所能養，又唯賴乳食之養毓，而生活則臍帶固屬無用。是故嬰孩出腹，宜去臍僅五六分，以細麻繩扎縛，以鉸刀翦截，即將灼艾灸之數壯，行茲法，則皆可免盤腸臍風等病矣。或曰：斷臍短之，則兒痘疹稀少，妄誕殊甚矣。世俗斷臍之法，幾至尺有餘，殊不知宋陳自明論斷臍，亦可只留二寸許，今夫以其長

者蟠曲在于腹上也寒冷濕潤之氣不得不滲透於腹中
由是稟薄之兒不出襁褓而往往致殤矣今嘗把孔方一
緡終日著之於腹也虛人必為腹痛雖壯者亦不得不覺
冷氣入腹可以思焉雖然積習綿歷人曾不慮焉豈不慨
歎哉故辨析之以解世俗之惑若夫病家拒醫教而不敢
欲短截則勉能絞去臍帶中血蟻乃宜以龍骨枯礬五倍
子等多摻臍帶更綿絮包裹以俟其自脫也此余幼幼之
老婆心爾

浴兒及將護法

凡小兒生下斷其臍帶訖宜急以軟布溫湯蘸拭去其周
身穢物以故絮裹之必勿用新綿是嬰兒保護一大緊要
事也而世多不悟此理徒厭其污蟻先澡洗之至或次日
或三日更復浴之傳云能行此法則其兒長太速而又無
瘡癬等患也是蓋馴致坐婆之所為靡然為此陋習耳殊
不知分娩後不經二三臈則四體脆嫩膚腠不密而露體
浴之或風冷侵之或熱湯劫之而遂致發熱驚搐不乳撮
口等之病是固所宜嚴禁而猶為之悲夫不獨是有人患
大病方其寢向瘳之際不能守醫戒竊自湯沐腠理開而

遂受風寒，疾患復作，墮其身命者，亦不為不多矣。況彼未經二三臈之兒，而一再浴之乎？不可不慎也。又兒之在襁褓也，所著衣服，須四時溫涼適其宜，而人唯知冬天禦寒，風而不知夏時耐熱。間有至重裊襲，被夏以布絹覆頭面者，其甚者，則周圍障蔽，以避風冷，殊不知由愛護太過，而作目疾、驚口。幼幼者所可最戒也。

初生治要

小兒初生，須看其面色。若身面俱紅，唇舌紫赤者，知其必有胎毒。每日可以鹽茶蘸帛洗其口，去其粘涎。但不可日

須五六次。此法至神，至異世所不知。蓋兒之胎毒藏於脾胃，口中多有粘涎，其撮口、驚口皆從此起。每日洗拭，則毒隨涎去。倘兒面唇淡瑩，此為胎寒，不可用茶，唯以淡薑湯洗拭。每日一二次足矣。蓋薑能開胃，而且和中，最切於時用者。

小兒初生，稟質怯弱，形體羸瘦，啼聲低者，及八九箇月而分娩者，多不生育。若遇此證，以軟帛蘸湯拭去血穢，然後曲折臍帶，向下邊於折處，以大艾炷灸之，燒斷，即裹故絮抱懷中，勿令尊卧。治法宜用生陽湯，若四肢微冷，或口中

不溫者加熟附子重者四逆加入參湯參附湯加葱白百
死中求一活

小兒初生須以手指探其口直嘔指者為佳兆即發聲不
嘔者有所缺

小兒初生身體肥胖面色紅赤帶紫頭髮稠密色深黑者
體實而有胎毒不急治則至六朝必發撮口而死

小兒生下有齒者即須以指拔去其齒無妨拔之如無根
古人云主傷父母不然必傷自身不必為然也

凡小兒生下則先啼哭而後或噴嚏或吐逆或噦或欠伸

或欬嗽者是其常候也必勿拘泥此證以施藥惟可分別
胎弱胎毒二者隨輕重以施治法矣然胎弱者十之三而
胎毒十之七不可不詳察也

凡小兒之生下也得其母之乳汁而長者是天然自然之
理也而其乳三四日或五六日而出其間雖不乳無慮也
唯啼哭不止者雖乳汁未通應令兒吮之如斯則乳脈早
通而兒亦壯健也今人不能待母之乳汁出經一二日則
備他乳汁不之者而先乳之由是遺胎毒於內為陰害不
鮮謹之戒之雖然若婦人虛弱乳汁素乏者臨時宜斟酌

鮮謹之戒之雖然若婦人虛弱乳汁素乏者臨時宜斟酌

鮮謹之戒之雖然若婦人虛弱乳汁素乏者臨時宜斟酌

鮮謹之戒之雖然若婦人虛弱乳汁素乏者臨時宜斟酌

勿膠柱鼓瑟

小兒生下即料其虛實而與藥。痰積糞出盡而後可與乳。若早與乳則漆色之大便忽變黃色。痰積不能盡出乃胎毒留滯於內而其遺禍釀成撮口吐乳驚口重舌木舌瘡瘍等證。往往至不育悲哉。然世人姑息慮其飢未一二日而與乳不知過愛招禍。幼幼者不可不戒也。若其家猶不能。痰積糞出盡則須過三十六時而與乳也。

小兒生下世醫率皆不辨形之肥臞強弱。色之赤紅青白。髮之稀少稠密等。而概用甘連朱蜜五香紅花之湯散。以

吾門必用此方。吾家每施此方為言。殊不知小兒初生有虛弱實強肥瘦冷熱之不同。乃胎毒之輕重與有無之殊。詳察辨明不可不以甄別。故余今採所歷試經驗之方。以錄于左。

甘連湯 小兒初生其色淡紅肥瘦得其中而頭髮不稠密濃黑者此方主之。

甘草 生 黃連 各等分

右二味以水一小甌煮減半去滓與服。

保壽湯 初生嬰孩其色深紅形體肥胖而頭髮稠密濃

黑者此方主之

紅花二分 大黃三分 甘草生 黃連各二分

右煎法依前方若面色紫赤者日兼用紫丸如黑豆大以取下此一大緊要事也不必論初生嫩弱以用致慮焉

生陽湯 初生孩兒其色青白頭髮黃枯稀少而形體羸

瘠啼聲低而小者此方主之

人參 甘草 黃耆 白朮各等分

右水煎服若虛甚者倍人參或加附子乾薑重者參附

湯四逆加入參湯

五香散

沈香 丁香 南木香 乳香 藿香洗去土日

晒乾各等分俱忌火

右水煎溫服或加積雪草若有蟲加使君子枳實

周按此方初出于和劑局方治咽喉腫痛諸惡氣結塞

不通者俱有麝香別研三分一本作二分 無藿香餘藥各一兩右

搗羅為末入麝香研令勻每服二錢水一中盞一本作鍾半

煎至六分溫服不拘時候是也我邦以此方為小兒

初生必用之藥者未知翔于何時余疑之久矣頃閱有隣所著福田方云近世醫人多以此方為治小兒之總司如其煎法人人皆知之或一分或二分或一兩即四錢也生絹袋盛水煎服或綿裹亦可或去藿香加麝香方尤妙也由是觀之當時治小兒既多用之然今概為嬰兒初生服餌之劑者亦過矣若夫施之不虛不實者而謂以五香芬芳之氣避穢氣祛毒氣則是亦臨證之工不容不辨也

小兒初生鼻塞氣不通者

天南星

細末酢和調塗額上以知為度

小兒生下呱呱聲不發者不出七朝必殤此証多不能吮乳而口中冷急斷去臍帶灸神闕數百壯內服附子理中湯幸可救百中一二也

初生不吮乳者主方 又不尿者服此即尿

葱白一根人乳半杯

右煎去葱取乳作四次服即吮乳幼幼集成

撮口

小兒撮口者初生七日內危險之疾也古法治之用全蝎蜈蚣川烏頭之類或云齒齦上有水泡子如粟米狀者則乃以溫水蘸熟帛裹手指輕輕擦破或又以銀鍼挑破出汚血則不用服藥神效此說始出宋陳無擇而一倡億和後之醫者無不以爲稀世妙術矣余遭此證者幾三十餘人盡視其齒齦上曾不見有水泡點者近見一二兒有似泡者因行此法一夕而皆斃吁雖前賢之言有難信據焉是以每遇嬰孩出腹乃沈思熟察久之稍有得夫小兒生下忽然驚啼連聲高而不絕或頭髮稠密而純黑或身面

紫赤及形體豐胖似壯實者多發此病是皆胚胎之始父母淫火熾盛釀成胎毒所致爾宜急用紫丸尋與保壽湯得大便下六七行則必免撮口之患而世醫不預察髮濃形胖諸般徵兆各守家技徒與甘連五香朱蜜之類及其發撮口則諉爲不治束手待殤悲夫若夫二三四五日而欲發此證者必不大便或硬或難或驚啼而不飲乳或肚腹築動勢將上衝於心胸或時呼吸促迫或口內熏熱或又有頻吮乳者是與大人煩渴正同卽熱毒熾於胃而上攻心肺之候也以上證狀雖欲發撮口之候凡兒不出三

臘若不_レ大便則必將發病之兆矣帝七日內也_レ不可不_レ遠
以取快利一二行若夫慮_レ芽兒嫩弱或遲緩而失機則惡
證蜂起卒至不可救焉常須識之雖尋常無病兒勿見以
苟且其撮口證已發也則面目黃赤舌卷而不能吮乳氣
喘腹滿胸下鼓動如奔馬手不可近脣口紫黯鼻子堅硬
或鼻塞或鼻下如烟熏而聚面撮口湧白沫粘痰而反不
能吐出或啼聲呱呱不出或隘口而時時出舌又必眼胞
高脹起而至其邪氣已攻心胸則手足躁擾閉目而殆似
笑狀此等證候悉備則危在旦夕矣救之之術猶救火也

急用紫丸尋以家方既濟飲頻頻灌下或大黃甘草湯兼
用增加天麻圓若口中見稠痰則宜急捲軟絹於指端而
撮出之方其與紫丸時即時灸臍上三處及臍中各五十
壯或百壯若臍帶未脫者急以刀斷去以大艾炷灸之而
其灸藥並施啼聲清高長引且得大便利者此當知為其
生機勃勃更吐出粘痰則倍以為慶矣若啼聲不出脣紫
黯鼻子堅韌者決難治也此病當臍帶未脫之時而發者
必可奏效若至六七日臍帶已脫然後發者其發過一二
時則多難取效故方其大便難或硬頻欲吮乳動氣稍奔

上之時急當施治法矣

家方既濟飲

甘遂七分 甘草生五分 大黃六分

右三味剉以水一合煮減半去滓頻灌之


紫丸此方打糊丸則為久病者之所宜凡卒病者則宜依本方加少蜜以為丸

赤石脂各三錢 代赭石三分 巴豆十枚 杏仁十七枚

右四味為末巴豆杏仁別研為膏相和更擣二千杵當相得若硬入少蜜同擣蜜器中收三十日兒服如黑豆一丸○此方就千金分兩裁略以作小劑蓋取令便

臍上三處灸量法

用稻稗一條以一頭令與左乳頭齊引稗斜向下至臍中截斷卻以其稗兩斷著稗頭於乳頭貼肉斜向臍垂下至稗盡處點之此乳與臍之中央也取右亦如此又用稗一條當左右點處貼肉橫量勿令有高低於任脈中行折稗於折處墨記不是灸穴而其上僅去如韭葉以墨記此是灸穴



增加天麻圓

此方本出危氏得効方余以意加麝香牛黃名曰增加試之甚驗

治因斷臍

後為水溼風冷所乘入於臍流於心脾遂令肚脹臍腫身體重著四肢柔直日夜多啼不能吮乳甚則發為風搖此藥利驚下痰凡鈎腸鎖肚撮口皆可用

南星炮二 白附子炮 牙硝 天麻 五靈脂

全蝎炮各 輕粉半 巴豆一字 麝香二分 牛黃五分

右為末稀糊圓麻子大每服一圓薄荷薑錢泡湯送下若臍邊青黑及爪甲黑者不治○周云若急則宜為散用之其臍邊青黑及爪甲黑者吾未見之

余頃閱歐士海保嬰錄有治臍風撮口奇法今錄於此曰

小兒初生七日內患臍風撮口百無一活而父母束手無

何良可浩歎一秘法極驗世罕知之凡小兒患此者齒斷

上有小泡如粟米狀急以溫水蘸青軟布或青絹裹手指

輕輕擦破兒即開口便安不用服藥挑刺周曰此說三因

載之豈得謂世罕知之雖然此等病源多因斷臍失法風入於內故

也若臍風一成必有青筋一道上行至肚而生兩岔宜灸

筋頭三壯截住若見兩岔即灸兩岔筋頭各三壯十活八

九遲則上行政心而死矣

青筋形



又法以小艾炷隔蒜灸臍中候口中有艾氣得生

周曰及撮口已發固非小艾炷隔蒜灸之所能取效宜

大艾炷直灸臍中

余往年治傳馬街一貧家妻產訖胞衣不下者適有一坐
婆在傍甚稱譽余術語次傳治撮口一方彼云屢試神驗

又近一友人授一奇方此皆雖俗間草藥併錄備參考

生黑豆不拘多少嚼爛取汁灌兒口中坐婆傳

又方

胡桃不以多少嚼爛連滓送下

余頃覽明吳志中所著兒科方要以此證為胎毒所致符
合余說治方亦足可取今拈出以示後學其說云臍風一
證人以剪臍浴水風邪入臍所致用以疎風之劑往往皆
死愚按乃胎毒之兆觀兒之脣口色青手足搐搦角弓反
張痰涎潮塞不能吮乳牙齦白點如馬牙脣面漸紫撮口

鎖肚鴉聲、肚腹膨脹、此數端皆由胎毒所致、又因兒出世未對週、便吮乳致臍糞未盡之禍、切勿以辛香疎風之劑、候之、余有祖傳將軍丸對證投治、無不應手、活命甚多、不敢秘而梓之、若果中風寒、口雖噤而不撮、亦無搐搦馬牙白粟之證、惟面青、手足厥冷、宜與附子理中湯、

將軍丸

大黃二兩、水七碗、煎至五碗、綿濾去滓、熬成膏 天麻 甘草各二錢 全蝎酒洗
去頭足 僵蠶炒、一錢 膽星二錢 玄明粉三錢
右為細末、入大黃膏內、和蜜為丸、芡實大、每服一丸、白

湯化服、利下痰糞、止藥用鍼挑去馬牙、便安、

驚風

一、フルドウダ 匱董舖兒、年二歲、稟賦怯弱、時中夏、患下利、後面色皓白、喘響如拽鋸、呼吸短促、肚腹蒸熱、鼻孔如烟熏、而且扇、但仰卧褥上、手足不能舉動、昏睡露睛、時時呻吟、脈數無力、不乳食者、二三日、眾皆以為必死矣、因篤之極、請治於余、余曰、吾雖非有起死金丹、若能惟余是聽、可救十中之一、然藥大劑而灸亦異常、幸恪信余言、遵守用之、否、父母曰、謹奉命矣、余即急以茯苓四逆湯、濃煎、頻頻與之、而灸

氣海天樞神闕傷中穴見後各五六十壯，漠然不知其痛，乃以大艾炷，漸加至百壯，或曰：嬰兒嫩弱，血氣未定，神氣尚弱，奚艾炷之殊大，而其壯數之甚多乎？余曰：內經云：有故無損，況此兒灸，則眼神爽，亦能吮乳，是其所以適病也。亦何容疑？請無掣肘，更加至二百壯，灸至十有二日，其證十愈七八。雖然，艾火猶未徹，因換用黑附湯，復灸七八日，於是艾火昉透徹，揚聲啼哭遂止，灸燭以附子理中湯參苓白朮散等調理一月，而戲笑如常日。

本石第四街打金匠女，年九歲，患太陽病，服發表之劑，大

汗出後，更發熱下利，讖語鼻扇，呼吸促迫，睡中露睛，左脇有一塊，形如竹根，時起上衝胸中，則咬牙目瞪，呻吟不止，向其纜下，則發一大息而寢安矣。或忿怒，齧衣，或以爪搔看人，求治於余。余曰：是發汗過多，耗亡陽氣，因宿癥乘虛而發動，精神為之不寧也。乃以茯苓四逆湯加龍骨牡蠣釣藤鈎，兼用熊沈丸灸傷中取穴法見于後，氣海天樞內庭各百壯，艾約日至一千壯。凡如此者，二十五日而諸症始平，更調三旬而獲全安。

久世侯臣清水清次郎，兒年三歲，吐瀉四五日，後手足痠

癡直視上竄者日二三次父母灌熊膽汁或灸氣海天樞
醫與抑肝散附子理中湯等用之皆不效舉家惑亂倉皇
交延醫診之皆謂萬無生理不敢藥之其父遂贖得市中
驚蕪九牛黃辰硃丸等以服之病勢日甚最後有薦余者
於是余就診審其色脈胃氣未絕乃急以茯苓四逆湯煎
成攪勻延命散五分頻頻灌之灸臍上三處傷中神闕數
百壯復間服熊沈丸至翌日斷不竄視十餘日而神氣爽
手自持物戲笑繼用理中湯六君子湯等調養一月而全
痊惟其間灸痕糜爛滋蔓滿腹不能轉側因摻家方辰砂

散不日而乃愈

黑附湯

方得効

治慢脾風面青額汗舌短頭低眼合不閉睡

中搖頭吐舌頻嘔腥臭噤口交牙手足微搐不收或身

冷或身溫而四肢冷其脈沈微陰氣極盛胃氣極虛十

救一二蓋由慢驚之後吐瀉損脾病傳已極總歸虛處

惟脾所受故曰脾風若逐風則無風可逐若療驚則無

驚可療但脾間痰涎虛熱往來其眼合者脾困氣乏神

志沈迷痰涎凝滯而然爾世所謂慢風難療者慢脾風

是也

附子炮去皮三錢 木香半錢 白附子一錢 甘草炙半錢

右剉散每服三錢水一盞生薑五片煎取一半以匙送下若手足煖而蘇省即止

琥珀散全幼心鑑 治小兒急慢驚風涎潮昏冒目瞪搐搦驚癇腹疼

辰砂半一 琥珀 牛黃 天麻 僵蠶炒去絲

全蝎去毒 白附子炮 乳香 蟬脫 代赭石煨醋

次各麝香半 片腦一字 牛膽南星一

右為末三歲一錢薄荷湯下慢驚加附子一分

家方熊沈丸 治脾困肝旺急慢驚風吐瀉驚惕心神恍惚

惚

人參 沈香各二 熊膽真者一 丁子 硃砂

龍腦各五分 金箔十五片

右七味極細末和勻打糊丸麻子大服數隨病輕重

秘傳延命散 治小兒急慢驚風手足搐掣或角弓反張

直視上竄不省人事或痰喘壅盛喉間作響或欬嗽氣

急煩懣不安死在旦夕者

酸漿實青赤各二十枚並燒存性 繁縷燒存性 紅羸連殼燒存性

熊膽 三勺

右四味細末取紫蘆汁胭脂和送下藥末二三分立驗
先考苔翁先生曰更加野蠶繭廿枚燒存性者特神效
此方元傳于相州旬市村一民家鬻以日得數千錢主
人嘗患傷寒已瀕于死先考為藥而起之彼厚糈來謝
乃辭之遂得授此方爾後至今憑此方救小兒無算真
希世良方

芎活湯 得効 治急驚風角弓反張

人參

黃芩

杏仁

石膏

各乙

麻黃

桂心

川芎

乾葛

升麻

當歸

去尾

獨活

甘草

各三

右剉散每服二錢水一盞生薑二片煎溫服

龍膽湯 千金

治嬰兒出腹血脈盛實寒熱溫壯四肢驚掣

發熱大吐哕者若已能進哺中食實不消壯熱及變蒸
不解客入魃氣并諸驚癇方悉主之十歲已下小兒皆
宜服之

龍膽

柴胡

黃芩

桔梗

芍藥

茯苓

釣藤

甘草

各六

大黃

一兩

蜣螂

二枚

右十味每服二錢以水一鍾煮減半服之兒生後量日數多少增損藥劑皆得下即止勿再服也○若必知客忤及有魅氣者加人參當歸如龍膽數

吉州醒脾散 奇効 治小兒慢驚神昏目慢多因有痰

人參 白朮 木香 茯苓 天麻

白附子 全蝎 炒 僵蠶 去絲蟬炒 各等分

右剉碎每服一錢水一盞生薑三片棗一枚煎至五分不拘時候

固真湯 心書 治小兒吐瀉後脾胃虛弱遂傳慢風不省人

事

人參 茯苓 附子 炮去皮臍 白朮 各二分 山藥

黃耆 蜜炙 肉桂 甘草 炙各二分

右剉碎每服二錢水一盞生薑三片紅棗一枚煎至五分服

黃耆湯 本草發明 治脾虛慢風風癩等目定神昏語聲不出手足搐搦

人參 黃耆 各一分 鈞藤 辰砂 各一分

右四味水煎溫和徐徐服

六味雄黃丸 開寶方 治小兒風痰搐搦不拘急慢風風癩之

證用

天麻 四兩 膽星 三兩 僵蠶 二兩 天竺黃 一兩 雄黃 五錢 俱炒

右為末打糊丸如彈子大遇是患者用薄荷生薑泡濃

湯調化一九或二三九

痘瘡序熱搐搦上竄者誤認為驚風施治則雖誤治不害

於發痘若認驚風為痘瘡誤投藥則變症蜂起然則何以

卜痘疹曰其兒面色綠綠赤有汗而眼中含淚者是也

癩疾 虬蟲

癩之為病經論筋骨脈三者之別或稱癩或稱癩眩癩瘰

至徐嗣伯謂十歲以上為癩十歲以下為癩巢源或名風

癩又敘五癩之候 陰癩陽癩風癩 千金方亦據之若外臺

秘要引古今錄驗之五癩 馬癩牛癩狗癩 惟與病源千金

頗殊耳其名證論說雖似精審詳辨乎至其治方則支離

煩猥無一可取者況又後世有癩風癩眩癩邪狂癩牛癩

鬼癩及風癩蛇癩食癩暴癩等之稱呼則愈出愈繁不堪

其煩矣且其治法多以五癩象五畜分五聲配之五藏以

立方處劑然率皆不過以鎮神祛痰翕然宗之而已且夫

癩之與癩，舊是一病，豈有別乎？香川秀菴曰：但癩以病間簡慢為呼，癩以顛倒巔越成稱。此說特為得焉。余嚮欲治此疾，取先賢之湯方而試之者，不勝僂指。然有功效者幾希。於是潛心精意者，既已久之，得發明其所因焉。夫癩癩之病，古人所論，雖名稱不一，比其發也，卒然旋暈顛倒，仆地作聲，或直視吐沫，或喉間喘響，或口眼相引，或目睛上搖，或手足掣縱，或背脊強直，或頭項反折，或屈指如數，或滿腹鼓動，如驚波時攻心下，或又暫靜而亦復發，沈默昏憤，似死似生，或時厲聲叫號者，是其候也。竊原其所因，乳

哺失常，肉食太早，或肥甘過多，遂釀作虵蟲子母相生，漸滋盛，其蟲偶相鬪，則忽發。此證矣。而當其已發之時，則鍼灸湯藥，雖頻投累施，難即時奏效。如其輕者，雖不藥之，食頃或一二時而甦，重者半日，或終日，或一日夜而後乃醒。醒則與平常無殊也。爾後一月一二發，或兩月一再發，或三四發，而其醒雖有遲速之異，患狀則大抵相同焉。其初發一再次，則病家大驚畏，而以為幾絕命，狼狽紛擾，無所不至。後則慣以為常，不敢復駭焉。至累月積年，醫藥無効，乃坦然委之不治。悲夫！又有其人見火而發，或見水而

發或見稠人蟻集而發者是皆其人有所驚駭畏怖則虫
在腹中跳動奔上而使然者而已此雖余之管見試諸療
術可以信據矣古人云五癩應乎五畜五畜應乎五藏由
驚動而臟氣不平鬱而生涎閉塞諸經而發焉或云母腹
中受驚或云飲酒醉大號呼令兒癩癩或曰幼少受風寒
暑溼而得之或云雷電之時受胎必病癩狂此等之說俱
不足信也蓋人之生病也皆外之風寒暑溼內之飢飽勞
逸至其發則千狀萬態不可究極也且夫蟲之為患或作
勞瘵或作食休或作翻胃噎膈或作惡心嘈雜或作腹痛

心痛或作嘔吐噦逆或作癩疥痔疾或作穀癥疳疾或喜
喫梓炭壁土生米茶葉手爪食鹽酒醋薑椒等物至其變
態則種種證候竒怪病患亦不可究極也如癩癩又復不
過虬虫所為耳香川秀菴雖穎邁其謂自癥而成此證者蓋未試之治術者爾余家嘗傳
本邦竒方者尤多曩余在病間探敗筭蠹簡適得治是
疾竒方一二即是儒門事親所載妙功十一九之變方也
因以意新定前後湯使試之病者百發百中無不奏效而
其治之之法先竅其作而後自其次日即用甘草湯七八
日尋每夜向五更初宜以通天丸復生湯送下一錢晝日

宜用六聖湯凡如此者十有三日而後宜用抑肝散加使
君子檳榔但測虛實兼用大蘆薈丸鶴虱丸安蛇丸大小
追虫丸之類然其病瘥後三四月宜蒟弱日乾者為細末
以一二錢白湯送下其服之不作者為永不復發若夫根
本猶未截者必即復發焉發者宜再依前方治之矣已上
治法十五歲已下者為最所宜焉若其年長情竇已開慾
火發動者復有鷓艾湯返魂丹祛虫丸之治法服法詳於
方後不可忽諸然積年失治病邪沈淪者間成滯患而或
至藥治不効是以不如救之於幼歲之上策也又有自幼

年逮壯歲曾無事惟其人天受性急而平生夫妻反目或
擲器物鞭奴婢者至其怒火最盛則不避親疎遂遽然發
此證或又因其人有事勞心太過亦復發焉治法並俟其
醒宜隨鷓艾祛虫之湯丸以治之矣庸醫視此等證以為
卒中風與續命湯烏犀圓之類觀其或半日或一日而醒
來愈益為真者大誤也其卒中風也者必有半身不遂口
眼喎斜聲如鼾睡脈洪大或數急等證候此為異而已如
癩癩則不然其脈平緩或沈緊不可不審焉夫癩癩證方
其已發則雖鍼灸湯藥固難得捷効只宜與熊膽汁砂糖

湯或雄雌圓養正丹之類緩之鎮之禦其衝逆之氣以俟
自醒矣至欲為全治則總在不發之時如前所論矣余之
所經驗之諸方雖最有奇效更附一二妙方於後以備參
考後之君子宜擇用焉

甘草湯方

甘草炙

糯米炒

茯苓

錢各一

石蜜

一錢二分

白朮

五分

右五味剉以水三合煮取二合分溫三服不拘時候用
此方六七日尋用後方

通天丸

雄黃

青皮

木香

丁香

各五分

熊膽

輕粉

各二分半

乳香

五分

黃連

五分半

白朮

炒

莪朮

三稜

陳皮

鶴虱

甘草

各七分

麝香

二分半

巴豆

去皮炙炒

雷丸

一錢

朱砂

八錢

虎肉

微炒

六分

赤小豆

三十粒

右二十味以大麥半夏各等分煮搗作糊取藥末八錢
和勻捏為二十九金箔朱砂為衣使患者熟睡向五更
初以復生湯下一丸明旦必取下蛻虫及如膠痰狀物
十三日內每夜用之如此法若病重者宜更加一九

復生湯

肉桂 六分 鷓鴣菜 微炒八分 川棟子 二分

右三味以水一合煮取七分去滓內新土器中露至五更溫與通天丸俱頓服

六聖湯

桂枝 一錢 大黃 五錢 白朮 十錢 黃連 五錢 甘草 三分

銅砂 五錢

右分作六貼一貼重四錢三分六釐每一貼以水二合煮取一合去滓分溫服空日服二貼自辰牌至酉牌服盡禁川澗

中魚及油膩五辛臭惡等件

千金方脊背五處灸法

此灸十三日內每日必不可少矣孫思邈云大人癩小兒驚癇灸背第二椎及下窮骨兩處以繩度中折繩端一處是脊骨上也凡三處畢復斷繩作三折令各等如△字以一角拄中央灸下二角挾脊兩邊便灸之凡五處元周嘗治此疾大人灸各百壯小兒灸五十壯

鷓鴣艾湯

黃芩 苦棟根皮 各四錢 虎肉 二錢 鷓鴣菜 九分

艾根 一握

右以水五茶甌煮取三甌再入水三甌煮取二甌相合服法每辰巳未申之牌以湯藥各一甌返魂丹各三十粒頓服總計湯藥四甌九藥百二十粒至酉牌以湯一甌下祛虫丸一劑

返魂丹 此方治虫積腹痛霍亂食傷血暈打撲眩運胸下痞鞭及痢疾等尤神驗

木香 鶴虱 莪朮 黃連 三稜

陳皮 雷丸 熊膽 各三銖 牽牛子 微炒

雄黃 大黃 胡黃連 甘草 各二銖 枳殼

丁子 青皮 乳香 黃芩 各一銖 白丁香 赤小豆 各三粒

粒重

右十九味為末小麥粉糊丸以辰砂為衣每服三分

祛虫丸

丁子 七粒 巴豆 五粒 胡椒 七粒 辰砂 五分

右細末打糊丸胡椒大每丸以芳野紙裹一頓吞下

右件湯丸一日用之則其三四更腹痛甚而大便內必

下虫數條矣自黎明至辰牌腹痛漸愈下利亦自止病

輕者一劑而愈重者二劑而安候虫下盡乃灸四花患
門凡五百壯虛人二百五十壯每年寒暑報之
延年鶴虱丸 外臺 療蛔虫心痛

鶴虱 六兩 吳茱萸 五兩 橘皮 四兩 桂心 三兩 檳榔 四兩

右搗篩蜜丸梧子大服二十九蜜湯下

大追虫丸 治小兒虫積熱積氣積或肚大青筋腹脹而痛

蕪荑仁 雷丸 錫灰 使君子 檳榔

黑豆 大黃 煨 鶴虱 木香 各等分

右為末打麪糊為丸或蜜水或砂糖湯吞下去大黃名小追虫丸

治癩癩奇方

水蛭 不拘多少收罐內鹽泥固濟燒存性

右極細末每服耳挖子二許以查子枝煮汁送下煎法

查子枝一握以水一合半煮取一合

六靈丸 治證同前

烏蛇 三分 白朮 芍藥 各二分 人參 大黃

巴豆 去油各一分

右六味細末打糊丸胡椒大日服九粒白湯送下

鐵連丸 治癩症神驗

胡黃連 鐵粉各等分

右細末打糊丸桐子大每服三四十九白湯吞下

十四味斷癩丸

白丁香 木香 蒲黃 沈香 青皮

黃芩 黃連各一兩 乳香 莪朮 大楓子去油各二

銖赤小豆二十粒 巴豆一粒 辰砂二銖 鶴虱二銖

右十四味細末為丸每服三銖取病人屬辰第三位方

隅水如病人屬子則取寅位水是也 夏照月星影使病人向亥位以此

水吞下丸藥當下異形蟲

抑肝散保嬰撮要 治肝經虛熱發搐或發熱咬牙或驚悸或木

乘土而嘔吐痰涎腹脹少食睡卧不安

柴胡 甘草各五分 川芎八分 當歸 白朮

茯苓 釣藤各一分 右水煎

安蛔丸即全生集安蛔理中湯為丸者 雄雌圓見千金

大蘆薈丸見小兒直訣 養正丹見局方

人有素常時時皺面頻頻開合眼或振頭搖肩或為自諾

狀或口中喃喃不已或數唾沫或嗚口脣時又響鼻孔或
屢洗手足或忽爾啼哭其他致潔癖嗜偏味之甚者是皆
蟲之候即世所謂癩症是也宜擇前諸方而用之
一藩士男谷某次子年十二登高遊戲迨其下而至地卒
然運倒直視吐沫手足躁擾口目睜引搖頭振身不省人
事食頃延甦自此以往一月一發或再發多在寢後少時
之間而洎其醒來也必悲哀憂愁涕淚自下至翌日則食
飲動作如故不異平常如此者既三歲無算湯藥高價丸
散及鍼灸禱禳曾不見效矣延余治之余乃製千金雄雌

圓與之數月發作仍依然因停藥三閱月夙思夜慮遂悟
得蛔蟲所為於是候其病發而復先用甘草湯七日繼以
通天丸復生湯下一錢則次早得蛻虫七條十有三日內
取下虫者計二十六條其病全瘥不復發矣其家有森文
藏者取虫之最大者以利刀剖之堅硬粘滑曾不受刀於
是假余之所用三稜針圖見徽剖而為兩段余熟視之有
七子胎生狀如白線蠢蠢蠕動因以為古人言子母相生
者實不我欺也

余之同街冶金匠女年七歲夏月恣啖西瓜卒然而蹙遂

盡吐其所食之物吐後口目開引手足搖擗腹身鼓動時
 時氣上攻心下呼之不應灸之不徹余診其脈如平視其
 患狀非尋常食傷也乃謂曰勿畏此所謂癩疾耳過數時
 則必醒即與熊膽及雄雌圓間服抑肝散加苦棟檳榔灸
 臍上三處及傷中穴取穴法見後各五六十壯而艾火方徹漸
 告痛楚而後乃就寢至翌日則猶如不病者余曰雖其如
 此非截根本則後必當復發匠不肯信服藥五六日而乃
 止其後十有五日女將就寢前症忽作其苦狀正不與初
 異又急邀余即往藥之則明旦亦復如故於是匠始信余

言乃懇求治因以甘草湯通天丸復生湯等如法與之下
 惡物數升出虻虫九條而自此永不復發
 仁正侯臣山崎牧太女年十二倏然自少腹氣上衝心胸
 暈倒昏瞶咬牙瞪目不省人事隔四五日而發者既向半
 歲矣或為奔豚或為積聚治之俱不効請余診療余曰是
 肥甘過度溼熱蒸鬱生虫以作此證即癩疾之漸兆也乃
 向黎明以通天丸白湯送下半錢者七八日虫從大便泄
 出數條霍然告瘳

保嬰須知卷上終

